

河濱詩選

卷一  
卷二



10943 ✓

河濱詩選序

詩與文一也文無莽於世可且不作即有莽於世而其言

皆外於世之所謂言者皆不作維詩之遺旨不至於美

刺義無關於世之所謂言者皆不作猶塵飯土羹耳然則

為文者必明蓋天下之理則盡天下之情讀盡天下之文

則天下之理閱盡天下之情

詩盡天下之詩而後可為詩也三百篇無非所且教立而

其言人情物理纖微無不洞悉實有逸人之所不能言者

故予嘗謂風詩雖採之里鄉亦效一時才人聳叟托咏不

序

一

盡其人之所自作如小戎三章於車馬飯戎之制言之

一詳盡而其詞又簡必非出民間婦人之手即出婦人當

亦若漢之班昭晉之道韞而豈尋常巾幗之所能四袍六

義為詩之崑崙不但且其昔矣顧詩文二者旨義同而趣

則殊何也詩者樂之本也發乎性情湊且蒐機諧且音韻

非若散體之文可且惟意所為也漢魏效為五言齊梁乃

講四聲隋唐因行律體此亦如忠之變質質之變文世運

之不得不然然在古人豈絕不論聲調哉不論聲調亦可

不論音韻則直且文體行之而何詩之為特古人之聲韻



較寬不若後世之嚴也持是以觀歷代詩文每嘆千古才  
學之士於二者尠能兼擅其兼擅者唐之昌黎宋之東坡  
明之何李弇州諸人而已 國初漁洋山人詩爲一代宗  
工文則如留侯狀貌不稱其爲人矣望溪古文寔逸來之  
勁而有曾子固不會吟詩之恨他可知焉如是不得不推  
吾河濱也河濱之詩富與文等而各詣其至其教子嘗曰  
凡無關於天下國家之故皆無養之言皆可已不作此劇  
其生平著述之意固非肯溷然操觚者又况才大於海學  
富於山世歷三移而身經百彭於人情物理隨在入目而

序

二

驗之於心故其爲詩也一有所觸直抒胸臆若不屑屑於  
結構不矜矜於雕琢而深邃之思豪邁之氣蒼莽之色俱  
令人不可摹擬猶之乎其文也向謂前輩言河濱欲昌詩  
擅絕一世樂府之傳當時高麗龜茲皆有其書以今觀之  
四言東追風雅樂府莫比漢魏五古何減顏謝而七古亦  
在李杜韓蘇之間卽近體所不歎爲夫豈時人所有是彙  
具在世有鍾嶸司空表聖自能辨之也抑予錄河濱之詩  
私心不盡合者有二焉世謂詩必入禪此予之所不然也  
河濱胥年潦倒自悔以禪爲寄詩文之中初不自掩而見

於詩者爲多今或以類及或以佳句固不得而盡芟矣古人以樂譜詩非以詩合樂詩固無不可呂入樂者晚世樂亡漢魏樂府就古詩之中能譜入樂者名之耳後呂平仄爲絕句猶欲調聲調存樂府也又呂絕句爲律體劇薺與古異而能入樂者尅矣然旣不論入樂與不入樂而彭古人之舊則凡摹仿樂府或取樂府之題而自爲調或自爲題而氣體芹於樂府雖有平仄俱以樂府允之可也若無平仄雖絕句亦入古風可也唐人如伊州歌清平調詞之類皆謂之今樂府而又概入絕句且七絕必論平仄五絕

序

三

乃有不論平仄者不其戾乎河濱詩如青青水中蒲自君之出矣二篇亦唐人之小樂府也予本欲與不合平仄之絕句皆簡而出之但呂遽破常例駭人耳目故亦姑从舊選若夫讀河濱之詩有契多幽愁悲歎之什與世齟齬者此則不知詩簡也夫詩必呂美刺爲旨必呂勸懲爲義其所謂關於天下國家之故者又必有忠臣孝子之魯河濱慕善若渴疾惡如仇或美或譏皆得風人之遺至其窺見鼎移社遷雖未嘗縮符先朝顧使絕不傷心於故國舊君忠臣孝子之義安在故凡幽愁悲歎之什大抵多在曷葦

流離之際泊乎服 本朝之化享太平之富忠愛之忱又  
未始不積而日深如樂府中 皇子生 聖天歌與華叔  
之祝擊壤之歌何異耶嗚乎予不能窺河濱之文何能窺  
河濱之詩就所見而論之如此更恨未得生於其時無由  
親訂殘缺使佳篇猶多佚逸且舉所疑問之以破半生之  
迷不禁投筆而爲之發喟也元春謹弁

序

四

河濱詩選卷之一

朝坂李 楷叔則著

七世族孫

五春時齋選

吳門李 漁笠翁叅

同里後學謝

洵少泉叅校

男 建標訂赤

同里後學謝蘭佩晚九校刊

樂府

入朝曲 擬謝去暉

江南佳麗地

用舊句起

虎踞復龍蟠金甌王氣萃星應天市垣

聖模超六代朝會鳴八鸞昧爽開紫禁虎拜恪周官嵐煙

鍾阜迤水霧秋階寒小臣將有奏中懷千萬端

河濱詩選

卷一

一

君道曲

聰明作元后歷數衆心歸玄象疇九土令德裕萬幾盤古

啓三皇先天天不違載觀撫虐判慎哉審所依

飛龍引

神龍變化一何神飛入青冥不見鱗雨施雲行沛哉仁三

百六十蛟虬臣雷鼓逢逢舞詵詵咸思乘勢躍天津昔年

大旱沙揚塵今日悅豫潤無垠

羽林郎

羽林羽林吾嗟爾之爲禽三三五五行列離離載驟駉駉

紀律縣于天象人而否臧何心違天虐民不道亡何禍敗  
相尋古來名將守法德音俎豆于今

長歌行

澎湃山下泉春流活且長非以雨澤溢善氣啓青陽冬來  
冰且結龍蛇同蟄藏老壽有奇福晚節更宜芳

龜鹿不足羨蜉蝣不足悲天生萬物中憂愁良可嗤承藥  
從韓衆守拙事希夷雲霞雖在眼飛龍不可騎安能挂仙  
籍延年竚期頤

門有車馬客行

河濱詩選

卷一

二

門有車馬客駢駢自遠來念此別離久相見翻悲哀坐定  
慰我言幸我未早回故鄉十年前白骨高成堆廬舍無四  
壁映田生蒿萊死者不可作生者歎不才族姓雖未泯仁  
義等塵灰世運旣如斯躊躇獨悠哉餘生復有幾風角兆  
多災

玉階怨

楚調五曲之一也

道蒂流銀漢深宮靜玉階夜涼明月影自照鳳凰釵

短歌行

冬之日夏之夜時不可留乘權卽謝絲帛緯尺其經五尋

長有盡期剪刀無侵懼命靡常湛樂飲酒商受白旌未得  
黃耆片晷富貴萬古榮名文在茲矣不愧生平昔人已死  
至今仰之我獨何心不自廣之

滿歌行

爲樂未幾時天下紛披盜賊橫馳大臣不戒朋黨營私刑  
獄繁興下民難支嗟哉虞夏我心傷悲解一悽悽復悽悽出  
入無所可乃右乃左念彼古人審已而果與麋鹿羣徒跣  
而裸人皆有生自愛其我解二去冬萬物死南涉江水憂心  
京京歷觀月魂魄屢有虧盈悠悠行道入莫知我情誰無

河濱詩選

卷一

三

遇合罹此哀

解三

隆替天所命昧者心寒達者能安周人

救水火則取其殘敬仲忍耻以輔齊桓天運日異王霸皆

難

解四

遯世辟人不用奚傷善哉川原藪澤不改其常一晝

一夜何興何亡憂世憤俗徒催中腸解五立身如雷中電不

須過爲權量但可逍遙自娛聊爾同塵和光種德教其子

姓百年保有休祥

解六

長安有狹邪行

長安有狹邪俠少紛來遊寶馬軟玉鞭徒倚過高樓高樓  
爛若綺佳人如桃李調聲絲間竹蛾眉復皓齒恐是趙飛

燕未入漢宮裡一顧消人魂再顧令人死願爲鷓鴣栖林願  
爲鰈居水恩愛難保終托身貴慎始輕合必易散貞合久  
乃美

篋篋引

亦曰篋篋謠亦曰公無  
渡河琴曲九引之一也

公無渡河河水洋洋山阿澗曲尚有羊腸風作浪怒莫恃  
舟航

秋思

羣卉穠兮忽焉幽幽不怨不嗟兮涕橫流天胡爲兮有霜  
迅烈烈兮風颼颼今與古邁兮荒坵彼俠士兮無其儔

河濱詩選

卷一

四

長干行

古詞菱舟不怕搖云云太白則  
以婦人怨爲之今紀宏光時事

妾住長干側及笄未適人何當逢詔選將備六宮嬪六宮  
旣播遷此哀難具陳同里女雖醜其夫家亦貧妾與夫與  
家安能保終身悽悽勿復道我生乃不辰

荊州歌

都邑三十四曲之一也

蜀杉不下灩澦堆楚雲慘澹飛不回荊州城郭嗟寒灰良  
人消息斷腸哀妾獨惆悵章華臺

估客行 二首

行估辭田里翩翩如飛鳥消息那便知莫疑浮海島

襄鄧經年客維揚大帆舟借問舟中力郎今雛眉不

折楊柳行

默默施行違受報良不誣信讒毒天下為計一何愚解一崇

侯與飛廉時共西伯俱天道未有定嗟哉彼獨夫解二秦人

築長城自貶子扶蘇其後卒二世詐稱乃陳餘况復亭長

來逐鹿爭中區解三防禍用圖讖殺人良為迂殿前都檢點

陳橋竟稱孤解四

權歌行

王者大無外仁義能並施禳代非人力歷祚應昌時遐方

河濱詩選

卷一

需遠畧薄言戒舟師淵淵鳴鼉鼓搖曳動龍旗桓桓舡上

郎勝于馬上兒入郢陋吳士平陳卑揚隋水伯將效順榜

歌會風馳克敵若鴻毛掃寇如拾遺用兵不得已此心良

可推寄言負固者皇天豈有私

怨詩行 擬子建

明月照深帷流雲復掩之下有不寐人雲月看交馳解一不

寐獨伊何月明更悽惻只照一孤身那能照顏色解二歎息

復嘆息悠悠悲且吟借問此阿誰終日無歡心解三君今狎

巧佞予拙復何嗟春風自有時枯株焉能花解四妾居縈蛛

網妾案對魚燈非君故信讒使妾點青蠅解五積慮祈神明  
所願入君夢達旦猶舞歌枕簟君未用解六積憂黃泉近此  
曲不能終我欲竟此曲蛾眉難爲工解七

大堤曲

大堤女如花花豔難爲郎大堤今非昔兵火屢襄揚

鳳凰曲

卽古樂府蕭史曲也

靈中彩鳳翥高臺皓月流玉貴自有等仙曹故鮮儔下視  
人間世滅没若蜉蝣作範垂千祀令儀及蓬丘

蒿里曲

河濱詩選

卷一

疫死天所爲兵死復怨誰肝腦填并沼白骨相撐持不留  
當日貌寧可辨雄雌陰風嘯萬鬼明星正參差借問此何  
辜乃同長平悲萬魂不勝招孰能爲挽辭

賦得男兒愛後婦

結髮諧二姓天彝故難渝不幸房闈空復此問美姝姝子  
年二十顏色麗且都娉婷餘其態遂覺增歡娛履下可生  
蓮掌中可爲珠膩翠粘作花妖紅裁爲襦脩饌全盤七春  
醪白玉壺恩情良無盡中懷益區區晨起觀膏沐夜坐看  
床鋪故人不重見新人自常懼美者會調笑顰眉亦堪圖

男兒愛後婦此理不爲誣譬之英俊流積薪交爲瘡所以黃髮者不及少年徒我欲竟此曲此曲可嗟吁人生重妃耦君臣爲都俞

長相思

怨思二十五  
曲之一也

古錦雙鴛鴦文采煥陸離昔同水上波今同機上絲羽翼如一身雙雙常與隨裁作合歡被內以長相思所思在遠道夢中庶見之夢覺如苦寒形神一何疲

獨不見

妾爲失箠弓君爲離弦箭同體本相須永別成隔斷容華

河濱詩選

卷一

七

落春英衰暮感冬霰持底明月心含愁獨不見

豫章行

古樂府蕩離別太白以子出征別母爲之空同則紀豫章之火也予作志丁亥豫章城破

之事

洪都城外塹江與南浦連南浦列旌旗火烈漲紅煙一朝空臺榭數日翔鳥鳶鳥鳶下啄鬻馬聲鳴後前哀彼未死者不如同黃泉

古別離

別離之慟誰爲深攀髯而泣鼎湖陰分明騎龍天上去不是梓宮埋幽沉臣民那得有仙骨窅然一望難追尋古來

君后不同死夫妻恩愛亦如此

野田黃雀行

黃雀飛入野田中惱殺守田老衰翁衰翁嗟頭白早野  
田黃雀故相惱舉族豐薨來啾啾欺人老啄我苗根莖使  
我苗枯稿日復日田生草我欲撲雀無有羅雀之傷田草  
奈何今歲雀猶可來歲雀增多野田之租不可赦吏又貪  
饗善催科空城雀語田中雀田中不如城中樂爾雖食穗  
有餘饒城粟委積堪跳躍

少年行

河濱詩選

卷一

八

咸陽少年天下無朝夕繫馬酒家胡酒酣提刀氣雄粗大  
者殺人小博徒自恃日邊法令疎天子高明照遠區我曹  
幸是漢粉榆殊死恩貸同無辜堆埋不禁牛狗屠何妨犯  
夜警金吾它人藁街血糝糊猶得彈箏坐氍毹大笑禮法  
真腐儒日暮西山老景驅檀槽自撥心嗟吁

關中有勇婦

關中有勇婦乃在黃河邊生逢多難時志節何翩翩詰屈  
山巖谷四顧方茫然寇馳疆馬來峻坂鳴長鞭傍人皆散  
走此婦幾不全賊意殊從容下馬解刀韉此婦奪其刀殺

賊血濺濺乘馬歸村落帶得寶腰纏村落賀其猛官府聞  
其賢此事載野史可以輝簡編古來烈女子多有後人傳  
丈夫懦且弱終當羞九泉東海有勇婦太白有作解者謂樂府舊曲關中有賢女太白即用其體耳予聞秦中勇婦殺賊事偶成此篇惜未知其姓名也俟編通志者采焉

沐浴子

沐不必晞陽濯浴不必當清風九龍吐天水生初灌聖躬  
上已祓不祥流觴多高蹤顛面漱齒心雍雍潔已乃與神  
天通生當盛時子昌丰彈冠振衣日曛曛吞炭漆身者汝  
是誰家翁橋上人赴赴橋下水淙淙顧影良爲癡思舊不  
河濱詩選

卷一

九

失忠形汗心無垢千載稱英雄

齊瑟行

安車駕文駟行邁康莊間道路多麗景珠樹照容顏王事  
不可怠枝條豈遑攀江海資舟楫輕帆無險艱顧我旗旆  
色精光颺往還君子趨功會眚勉鳩鷺班書續青史中千  
載不可刪

妾薄命

生長空閨青春深香蘭爲珮蕙爲襟十三學詩書十四學  
彈琴十五始學繡阿母亦紉鍼丘嫂時調羹中饋多德音

自憐明鏡雙紅暈那知買賦千黃金娉婷嬾娜粧臺下亂  
離乾坤矣昏嫁薄命落花共飄零寂莫吳歌空長夜

樹中草

女蘿附喬松宛童生柔桑禽鳥固有恩變化亦何常使我  
泥中根離離樹中藏飄風吹不墮葉葉翠相當吁嗟百草  
因霜枯樹中寄生人所須客來有勝主人時主人欺客亦  
非夫

知足吟

環堵可栖不必寥廓斥鷃蓬蒿不羨神雀有饑有麋晚食

河濱詩選

卷一

十

當肉有箕有裘無庸佩玉彼黜而桎梏彼貴而投荒彼勞  
而多悸彼肆而爲殤雖婁且貧維以不永傷

有所思

有所思乃在大海南南風溫以惠不倩寄南金况復彼美  
人冠珮適我心美人不我顧那得聞其音長吁焚羅幃戚  
戚棄故衣所思已决絕悠悠無所歸

對酒行

仙人視下土濛濛如塵沙愚旣不勝憫智者亦可嗟廉較  
蟬蚓細貪等蠅蛆加原隰多變遷丘壠長桑麻賴此一杯

酒直詣上清家

古朗月行

朗月升東海皎皎復清冷纖翳橫其中云是山河影或謂  
質玲瓏映日光乃炳洞穴宥以缺焉能受陽景陰精非不  
輝小明終頰頰蝦蟇肆獍惡蝕此玉虛境感之悲且傷萬  
緒不能整

陽春歌

春日遲遲媚長安萬花競色倚雕闌猶嫌香叢爲未足徧  
訪瓊枝艷采看花入漢宮中間花已空桃落胭脂梨落  
河濱詩選

卷一

十一

粉一夕盡數嫁春風聖人欲學軒轅道樂事年年萬方同  
日出入行

十日九日射雕弓一日跋跋烏翔空夕春未息馬朝霞復  
瞳矓我自生初見如此蕭颯已作白頭翁浩劫以來是惟  
鴻濛碧霄不改滄海無窮大道於我何異同安能學仙驅  
尸蟲

北風行

北風北風爾獨威稜栗烈向人多層冰萬里凍交河次亦  
寒光結滹沱何不扇鼓霜雪凌滄海驅去洪浪凝其波使

我駕冰車之琅琅訪三山之峨峨人無鳥毳以自溫衣狐  
冠貂奈爾何奈爾何峽陽春北風嗟爾無傷人

久別離

帶金玦佩文無君遐征在何區牕前明月如明珠月光正  
與羣星殊妾心夜耿耿月來每自孤蕙艸榮復歇青同花  
爲枯但見履綦徘徊處此外門逕網蜘蛛人亦不來歸月  
亦不可呼幸無銅照影猶疑顏色春華敷

戰城南

戰城南城北死仁人見其骸憐若亦人子身後有國恩陣

河濱詩選

卷一

七

三紀青史讐民恨將軍昔荼虐我今報于天血塗野草亦  
所當然鬼謂此民兵淫若妻奪若財其罪于我何有哉一  
人方右武四方逢禍災復謂未死軍中人慎無恣虐于天  
嗔

襄陽樂

人道襄陽樂襄陽實不苦嬌花比女兒伴是揚州估  
習池醉山公流風時或不采襄陽花當買襄陽酒

雙行纏二曲

新羅繡行纏用舊句起足跌若爲妍不須着地處更貼數枝蓮

歡今好遊獵儂亦學男兒着靴金鞍上與歡左右馳

善哉行

山峯千其仞上有水泉生豐蔚被長坂螻蛄相向鳴修短  
自上天諒非智所營有士切念之秉心如神明解神龍不

可測潛德尤難知達者固有盡乃信隱者宜或爲龐德公

或爲樂啓期於心苟豁然千古永如斯二解惟霜生霰雪惟

晡兆懸車君子能達觀天地爲遠廬皈心聖人前賢士相

與居未來不可盡烟爛得自如三解

山人勸酒

河濱詩選

卷一

七

猗歟樊仲父高與巢由齊亦越李長源白衣參金闈赤松  
不入漢神叟或事宋古來隱者倫無用以爲用聖人恭已  
得一以貞合乎至道不問廣成陛下長與道德之人居自  
然清心寡欲得長生

社鼓喧

社鼓喧社人汲水招龍魂龍不來將奈何社公嘆息乃似  
聾歌

莫罷社莫罷社社神雖無情與我通晝夜

土膚歌

土膚燥麥芒枯三尺之下泉有無妻憂其夫婦憂其姑饘粥焉所出天田之星何爲乎

廿年之前人食人千里之外人市人人其餘幾天多怨嗔夏之日不憂寒但愁飢一日必三飯八口乃同時

### 商羊舞

商羊舞商羊舞少梁山頭雲朝阪境中雨此雨未來日尚紅何人步禱烈日中雲子時時求虛空老者少者多愚蒙謂天蓋高難遠通雨欲來天風輒敗之災沴攢心不易治晝夜憂勤休不得四民萬目淚如絲雨之來誰最喜刑羊豕載拜起神如有知笑且言人生只藉一滴水商羊舞舞商羊龍有八十一鱗挾風雨不及此心方寸千箱倉

### 文公雉

文公雉殊雌雄一飛陳倉化爲寶一入南陽爲兒童昔人霸業不可見此事荒唐空相羨山頭五彩假鳳皇天下紛紛多鬪戰雙雉分飛今豈無悠悠圖讖與赤符岐山宛洛皆寂寞野草禽鬼人嗟吁寧可終身生盤古不願鍾鼎分

### 新謨

### 瓠中歌

焦穫潭潭原垓相糾兩城毗輔如載一舟中有清流令宜  
清修水之龍以沉以浮令之野或怨或謳彼哉不相速胡  
爲乎馬牛哉

潭潭焦穫原陵唇齒

三原高陵

前賢之武我衛公李昔開者天

乃振地紀使我漢隋常爲帝里今才他生郊固無壘

維此神禾下藝泉麻樓之閣之客以外爲家巨闕名族經  
猷文華王溫梁房儀式孔嘉嗟嗟三原哉

蒲葉

并序

霍總憲薨崔氏蘭絕粒以從之李子義之作蒲葉詩

河濱詩選

卷一

五

蒲下水瀾瀾蒲上風獵獵托根既有恒不移根外葉朝爲

青樓倡夕爲貴人妾貴人不相忘同生亦同滅

一解蒲枯如

劍斷月缺如鏡破夫死妻嫁人家中成獨臥不如妾相殉

九泉速一餓視死如床闈使人淚潛墮

二解

秣驪駒九首 并序

侍御侯公終養入補巖廊蓬茅遂用阻隔歌此餞之

秣驪駒面驪山山下湯湯水流入渭水灣嶺如衣繡紋栢

列崇臺班東峰有石銜金斧西土棘荆盡從剛御史還朝

空我國願祈加節悅心顏

青驄馬青絲鞵周道何逶遲芳草夾陌送攬轡先經函谷  
關鳴陽定奏岐山鳳御史會登三事班瀛洲舊地不愁重  
涇與渭濁與清同歸一大海源出各澄泓自是激揚風有  
力奚關纓足判無情朝宗混浩趨東極御史翱翔藉直聲  
華四削吳七峰連鑣雙騷耳分帶兩芙蓉地濶何嫌包萬  
石山長還可產千鍾還朝御史心高廣手杖瓊枝御翠龍  
陽吟澤弦蒲藪謙卑福所歸善下心還久納污廓落太虛  
同生物汪洋河漢耦君子涵收一切人豁刻寬平擇自守  
招矩炳炳在金天天下有道簪筆間神羊屈軼不爲賢安

河濱詩選

卷一

六

得公等十數輩侍立長在 聖人前

漕舟行漕鼓鳴淵淵金石帶河聲蕭蕭官吏看青旂鼠雀  
不飽天倉盈釜斛必慎嘉石平出入會計地漕清庚癸不  
呼武功成惟此皇家畀白簡曾動夙夜爲蒼生

陳北辰事北堂朝夕寢兼膳簾幃壽且康芝采商山下雞  
烹茅容傍冬至承懼恭襪履新春介酒薦簪觴作忠今日  
不忘孝回首丘原每斷腸

辭馬鬣趨龍墀青蒲一片地碧漢九秋時咫尺觀 天貌

歌風獻 聖卮故鄉豐儉如垂問陸海民岩未可遺

皇子生 丁未九月十九日卽爲韻

秋露金湛湛菊英玉瀼瀼閏餘推九夏十日續重陽乾始  
初生震鬲基已纘 皇前星輝赫赫少海閩洋洋熙運開  
三代璇圖慶萬方我 清超徃古儲立祚無疆華祝多男  
應統垂奕葉長側耳天家瑞惠心士庶颺金雞期大赦母  
鳳想鴻祥何以籲吾 君普天戴長子吾 君之子天攸  
歸華胥誕命生成紀古者三皇數十頭綿綿一姓延治理  
應以天符表國楨還於佛日慶羣生蓮花結孕同甘蔗龍  
水灌身兆化城草莽老臣爲作頌天霞朝綉一輪晴

河濱詩選

卷一

七

榲椹行

土果嗅之嘉非橘非木瓜味酸不可食蜜漬聊足誇誇於  
里人稱美誇於上勞無已此物供御良幸矣此方供獻誰  
爲始後賴有人奏罷止榲椹行勸無樹人莫新栽樹成榲  
椹花定開榲椹花榲椹果珍禽異木終不可

擡頭詠

羣陰丞令抑之此丞感嘆吐悲辭吐悲辭非怨尤但祈脫  
此一擡頭擡頭吟不足聽令欺丞貳太熒熒上官卑吏等  
奴奚朝露章夕野栖又其甚者如縛雞

山中猿

猿公猿公吾嗟爾老在山中雪深無果饑而死山下之人亦如此朝三暮四今非時猿莫相悲應爾爾

蚩尤旗

星芒白射萬眸同不知太史占何宮非彗非烟亦非虹夜  
夜天垣亘虛空昔三十年見於東鳴江瑞氣驗鬱葱世於  
盤古再有熊小子無知愁老翁一統久已息戰攻蚩尤旗  
淚冲冲不願兵強願歲豐

日者行

譏官之失位而猶不舍印者

河濱詩選

卷一

六

日者瞽日者瞽外閭內明術可取繁黨財生官化鬼貪財  
壞印印無主君不見舊官戀戀一銅符旁有多人思換補  
方方數寸費刀錐斗大黃金當誰估印去印來財重輕民  
間涕淚深於雨爭印之人夫何苦

挑薺

諷貪也

薺葉生薺蒼未吐已充羹野人腸寬轆轤鳴一咽財入藏  
神驚甘如薺古周原來年今歲庶爲繁君不見西郡饑荒  
竹有米石棗甜香亦勝薺賣女賣兒析骨炊誰知丘壑填  
無底

村童行 記大貪之倖免而輦金者

村童跳躍鼓鉦催二月何爲不響雷雷部五神何習嬾縱  
此妖魔得意回得意回道路忙斂阱夷谷駕水浮梁萬姓  
之肉貪夫之囊血淚淋漓執豕封羊妖星奕奕風靈狂下  
有兇獸嗥上有惡禽翔使我思麒麟想鳳皇旁人詈我何  
周章虎豺頌仁惠獯獯察醇良不能吞炭而啞且可閉口  
不開張村童村叟悉郎當村中婦女學裹糧於今城盡林  
空存荆棘蓬蒿滿眼長

掃舍字 并序

河濱詩選

卷一

九

歷文有掃舍字予不知其何解予聞漢人有安能掃除  
一空之語則甚壯而悲之村居靈土封瓦瓦溝皆平欲  
掃不能卽叱奚篲之畚之饑疋不用命辟之於無餉之  
士無祿之官其能責以事功耶作掃舍辭

掃舍復掃舍舍不勝掃掃若何東舍荒荒土已埋西舍岑  
岑土亦多上舍峻下舍畝掃帚無人人倦疲主人曰咨與  
爾一盃水一椀糜汝飽汝饑汝安汝危概不爲汝計便宜  
汝曹生長汝不知我制汝命汝安之掃夫呼其偶此帚重  
不逾及與所大不逾旌與旗但覺力軟物重不能持回顧

肉食者肥澤飽臥仍嬉嬉主人相愛不相欺

聖天歌

并序

人者天地之心人道邇天道遠人卽天也予僻處西土  
享太平之福有年所矣今天子一統大定六詔拓土  
大踰銅柱勲烈炳炳屬者郊丘禮成先皇配享於  
上帝太皇太后皇太后冊號有加恩覃無外九月  
十九日皇子誕生朔於七夕親政極大懋清綱紀復  
舊章闡言路疏銓選赦旨稠疊臣妾歡雷當是時疆圉  
風戒漠塞悔罪軍民士庶悉賀生成巨貪祛租賦緩隱逸

河濱詩選

卷一

二十

舉史不勝書以口爲誦愈以仰聖而瞻天作聖天歌

聖天歌聖天舞聖人作天子觀康熙六年七月時是時普  
天與率土揆以文奮以武集鸞皇戒熊虎雲升曠日當午  
世泰階人干羽西東北南同一家耳目喉唇察甘苦山嶽  
效其靈祭告徧而舉鬼曰星躔神曰天符綢之繆之或敢  
我侮臣在舉嶽吳鎮間荷戈無力職禾黍天兵十萬洗風  
雨我曰我未陸海滌千祥徵大慶旅皇天圉丘地祇同殷  
薦肅將考及祖皇子生悅王母漢秦壇秦五時徃代紛  
綸不足取老民拍手語兒孫如此蕃釐勝千古

謠附

潼關謠

前人因險固如天塹入者既屢守者具文爾

關之阻藩天府北有蒲南有武誰抱關不念土血濺濺共

河澗

渭南謠

抗節者屠世家遺老不亦傷乎

渭水何潭潭誰來渭水東血我渭水南

萬年謠

河濱詩選

卷一

三

秦藩在古萬年癸未十月十三日國破王薨寇僭乘輿  
萬年長秦有王秦王遷失萬年

燒井謠

井無燒理秦人謂人之不奈已何者曰爾燒我井耶藩

國亡井乃延燒蓋俗稱王陵曰秦王井云

爾燒我井井中烟冷俄頃俄頃永昌不永

米脂謠

賊既僭號于其巢而都之不期年而毀

莫經營自成城

柳池謠

孝廉狎宇起義死之士人哀焉稱其名而誅之  
鳳翥鳳翥戒汝輕舉

泓芝謠

賊繫秦紳于驛而殲之

囚同車血同流魂帝庭兮哭驛丘

白塚謠

土人見捕空其噍類塚名果不祥哉

白塚高狐夜啼

河濱詩選

卷一

三

同謠

藁生馬角殃及池魚鷓子稚時好馳馬斬羊豕習兵容

一鷓離其群九龍血云云

上洛謠

洛源熊耳下爲洛陽萬山深曲昔人避世今不可居

虎子蕃草蔽原蟻蜂屯山寨門

蒲坂謠

蒲坂本腴區甲申後二王府邸三公甲第皆在滅燼矣

莫改符莫刈蒲改符使人傷刈蒲斷入腸

鳳陽謠

人有以陵上松栢作亭者火焚其亭斃其人

童者阜氣隆黝隱隱雷地中回杯土杯土或則敢取

漢陽謠

有尸蔽江而下寇實爲之王亡已久或猶泣焉

江水明日月晴江水昏萬屍奔

蕪湖謠

監國出亡猶拜官除吏亡何見縛

黃髮黃鬚出遊于湖將安歸乎

河濱詩選

卷一

三

鄆縣謠

賀賊珍陷城死者過半自鳳翔至窺會城有諸生遙應

徵使者印以獻亡何珍又敗

不右不左焉能得可寇入鄆杜慟斂我

大同謠

大同起兵晉人以義殞身破家者無算

雲中守卒趕趕衣之冠之旗之干之

潞村謠

村近鹽池有署無城厥惟沃壤受兵最荼

蚩尤何來其血鹽甲士何來其切苦

安邑謠

禹都之破靈不庇下覩河洛思明德者俛矣

昔安今危馬喜人悲

蒲城謠

壯邑事以延寇遺禍單氏死焉

蒲青青刀環鳴蒲草枯城啼烏

廟灣謠

場人入淮犯庫部株連者無算

河濱詩選

卷一

三

淮水濁誰來濯蒺藜鈎吻雞莫啄

豫章謠

豫章屠城故假木以爲謠

豫章之木高十尋誰其伐者斧與金

紹興謠

舟其輟黃其屋吁嗟禹穴山川卒裂

睢謠

唐人張巡許遠以忠殉唐故此睢陽也明人乃掩爲明

者而殺之亦此睢陽也

一驪兩眼一睂兩產

華山謠

中人免于難者再越數年小盜乘使者之隙卒斂其  
貨

慧苦密復深蜂采蓮花鬚捐却蓮花心

黃河謠

河濱長于淮濟故望西海而祭者恆于虞河不遵道此  
爲權輿而後決防于下流民死之役又死之嗟  
坡耶陀耶自龍門而下者河耶

河濱詩選

卷一

三五

崑山謠

山產惟巧石無玉也二陸不作我將焉訪乎  
碌碌乎而彼以爲玉乎而我非卞氏哭乎而

吳謠

吳王之都王國善政乃亡于吳可不戒哉

梧桐秋吳王愁吳亡茂苑空長洲

錫山謠

昔無錫今無錫山下泉來者湧嗟哉城郭乎落落乎

毘陵謠

元至正武進令劉溶率民兵與寇戰于葛橋南死之數  
百年來無此烈矣

猗嗟毘陵兮當寇則無能兮劉亡人來乘兮

雲陽謠

丹陽古最大邑冒此名不稱甚

沸井四目二清二濁濁則有餘清則不足

暨陽謠

江陽江陰以命殉城數百年之光也

江盡頭水悠悠岸岸斯求原隰哀矣與古義者儔兮

河濱詩選

卷一

三

吳江謠

本吳邑割而爲之尚且繁大難爲理

三江之衢旣膏且濡何不日瞿瞿

樵李謠

越之喉地取臨安者恆道之當道者艱矣

夏人水嬉冬人婁其藿香藿香安得不悲

烏程謠

湖州爲防風氏之墟二邑附郭人稱烏歸或醜之乃長

歸降烏

悔固終宜慎始防風防風吾嗟爾

德清謠

前溪度新捨故烏巾山誰當任有酒宗人如行路

杭州謠

古有暖風汴州之咏當時汴人爲多今遠方雜處雜則難一

西湖復西湖昔時所涉今以爲家叶孤宋乎宋乎惟爾之

愚

永嘉謠

河濱詩選

卷一

三

梅谿王子以三賦侈其地今則勿問守安能有義之延之乎

東甌之芊芊兮海之壖兮悠哉永嘉之前兮

水車謠

蜿蜒不作肥蠶形軋軋不作鴛鴦鳴鱗魚鳥翼出入有光音如鴛鴦見則天下

大齒齒吸澗壑昇爲風雨聲安得化龍尾蘸海散將千里

瞻秋耕

猗嗟稻田江湖之干臨水不潤譬彼貧富相求難足下秉

軸轉移飢寒飢寒不作世乃大安

三客謠

蘇州客貴且驕米客細客金橫腰有客販人屋門前列旗  
纛

五虎謠 廣東人述

昔三人爲一龍今五人爲一虎虎文斑斑人寢汝騎虎不  
下背朝朝在嶺外

束薪謠

束薪束薪入炊爲塵昔障天上日今泣厨中人

甘遂謠

河濱詩選

卷一

三

甘遂與甘草姓同心相惱相惱醫殺人不如不同宗不疎  
亦不親

雜謠

南中熟男女不肯鬻大商富賈出無僕

北田壤土無价寧可自采薪無爲价所敗

謠

死不辱鬼蒙祿辱不死笑不止

擬後漢童謠

請爲諸君鼓隴胡不敢公言私咽語私語奈何不如默處

挑米謠 揚人以暮夜之金爲挑米

清見底濁無底膨脝蠢汗人挑米米少與米多下人且奈何

菱草謠

茁者髡陂耶湖耶街尾者乃有子嗚嗚

夢碁謠

唐儂郢布儂子儂白渠黑聊戲爾夢中一著尙未安秦耶  
漢耶一笑看

偶然謠 紀時之不節也

河濱詩選

卷一

三九

父母愛兒女不教受困餓鬼神大父母仁愛肯爲甌旱潦  
雖偶然偶然乾坤破

鬼臉謠

人鬼不相蒙別嫌亦明微有鬼幻作人姍姍是也非何哉  
人學鬼嗟嗟舞九圍蒙俱誰如備後人忘其譏或貌魔女  
容妖狐媚宮闈或飾夜叉形猙獰怖淫威不知是了甲加  
之以怪衣兒童競相市跳戲如發機蓋於鉦鼓間逐逐剗  
繡旂數歲痴猶可壯者亦爭輝血氣輕恥辱老叟更何希  
嗟此土與木其究將焉歸化泥尚渾沌入火焦焰飛戲言

與戲動宵壬無可祈

河濱詩選

卷一

三

河濱詩選注疏

河濱詩選卷之二

朝坂李楷叔則著

七世族孫元春時齋選輯

三原孫枝蔚豹人參

同里後學謝洲登瀛叅校

男建禧

赤裙

同里後學謝澤雨蒼校刊

四言古

山木詩

山巔樹木其葉辟辟高與山齊蔽山之光解一誰昔植木謂

生女身有德不報藐如行人解二或人有言以德報怨今也

不臧恃已不賤解三擅則在目糞則在腹壬人膏車大賢重

河濱詩選

卷二

一

足解四

參旗三章章六句

參之揚兮旗則似之彼審者蓋附而貳之嗟旗之庸兮誰

所將兮斗柄曲且直兮其魁閔以深吁嗟日之中草知

我心既宵而光晴哉無陰宵中日中迺異其風君子秉

時以福厥躬自春徂秋夙夜冲冲

鳥飛篇

鳥飛準繩出遊歸棲鰓魚不瞑目往來在其溪解一升彼異

墟泣其枯林林木之似迺傷我心解二飛則墮影栖不唾井

誰俾流離萬方耿耿解三如之何以爲鬱釀菽烹壘如之何

以爲栖背矚窺谿如之何以爲畦露耨風犁解四豈曰臃腫

則不我顧豈曰予遺亦莫我慮不恤其家念此國步時人

悔予莫知其故解五

### 啓明詩

啓明昱昱不逮其晝昔也經天移其祖舊今則復然於我

究究解一上天情物如何能旅疆弱林林莫不與與具曰銷

兵銷于何所解二上天悽悽其度不齊盜肥其馬民命如雞

山深可居迺聞虎啼解三道之云遠非以間關盜之孔熾非

### 河濱詩選 卷二

以饑寒職思其後亦慮其端解四

### 麩麥四章章八句紀遊也

麩麥其秋客心悠悠有斐君子期我遨遊駕言餞客以汎

其舟自江徂淮實維邗清 麩麥所食新念饑亦登新

蠶織新念衣汎汎者梗則莫之依君子懷哉知我者希

岸有豐秋舟有遠道祠有文昌水干是保穀貴民禱訖言

如擣微我有酒使我速老 以楚以越於言航之以治以

否於言坊之禮文將將老成用章莫言雜客使我心傷

### 草履詩

淖泥載塗不棄草屨竈下炊糜不棄老嫗姬姜失寵孤房  
寒錮無鹽有才蕉萃爲媵各有其時匪由天妬

哀估

水則有坊蓮則有房汝自不歸非汝無鄉晨計資斧僕僕  
逆旅逆旅逆旅莫知其處吁嗟乎中野解一狐之首丘曰歸

曰歸人不狐若莫知其非逆旅僕僕爲鬼當饑人質其質  
人衣其衣解二吁嗟汝未喪憫其朋亡摧裂中腸汝之寢矣

誰汝飲矣哀汝不哭汝自審矣解三人或廣汝生安異鄉死  
安異土嗟汝曾聞南風之偷葬薄哀微酒酌是求解四文兮

河濱詩選

卷二

澤枯受兮自焚茶毘之厲非我前聞估人四方估鬼四方  
四時昔所娛中野汝傍徨解五

鹿角詩

鹿角知寒麋角知暑歲以信成天實誨汝解一俾晝作夜俾  
夜作晝人與天違莫如恭舊解二既曰溥將于何胥匡一刻

爲天不可改常解三不極害窮不阻害通靡不有初鮮克有  
終解四衆音喧歷亶聰不亂朝曠莫霽天莫爲斷解五

烏鼠詩

水混龍龜山罔烏鼠帝則不分毋判爾汝解一共母之雲無

以燧雷共土之人無以心戰解二妬嫉詛呪交相爲女千鈞

之弩不殺鼯鼠解三悔厥臭載憚不交愛嗟汝善背無以父

內解四未遘玉工玉則一珉未奏膚公衆則一人解五如骨信

信如石粼粼道德之思不約而親解六

顏頤篇 有序

禮曰先稽顙而後拜頤乎其順也先拜而後稽顙頤乎

其至也予五諷于舊邑惟張氏韞仲踞謝于行館之門

外有禮意焉感時之失禮者作以動其心

於乎禮自天匪制以人人之初生實本于親孰不有親孰

河濱詩選 卷二

四

不有身踐禮思孝乃鮮羹倫解一倫以教世誰實風之君卿

學士允宜躬之親也罔極死則終之喪禮繁密匪勉通之

解二予昔吊于秦王戚其容使者惠貺其禮則恭北方質樸

其哀忡忡亦越四方禮謹厥凶解三今如之人時則異舊衰

經改制箠箠在疚空冠不纓罔以爲陋有如墨纒臨戎禦

寇解四樹以霜彫如人斯髡其葉零落尚歸其根誰主人倫

忘其親恩吾黨小子尚其或敦解五予今唁于南戚戚我心

矯時存禮其意墨深彼衆蚩蚩父母不欽以拜爲屈飲酒

相尋解六

棘人篇 有序

奪情非古也子尚不可况以爲教乎作棘人

苦蟲習苦惜莫之知撼撼寒羶飄風伊吹彼其之子父母  
所慈解民之初生乳哺是腹晬不能哺糜焉能食肉今也  
肉食乃不啜粥既華而穀粲粲而服二人亦有言移孝作  
忠上之所教下以爲風俾輸其心盡念其躬躬兮躬兮親  
始君終三彼才者子總則不仕彼之不才墨綬忘自皇皇  
朝廷奕奕寢廟祖宗在天思其言笑四棘人不淑其顏有  
頰梅梅繭繭如何前旌唯富是求謂人奪其情人皆有親

河濱詩選

卷二

五

盍念爾所生五父母夢兮謂子聽兮皇皇中原禮以定兮  
棘人而子不可誅也棘人而臣何所備也六

大索六章章六句追記寇敗而作也

鄉蜡貓虎食此豕鼠天道如何氛霾填圉寇之未殲民失  
其所 失所伊何民室磬懸劫則莫禦輸又栢煎莫愬于  
人莫籲于天 寇獯而貪如弋如畢殘民貪犯上乃窺天  
室厚藏不藏悖入悖出 悖出而敗金散民間或爭或訟  
莫之敢慳卒歸于吏積又如山 謂金曰虎莫之敢有戒  
其傷女况復是守大索不止亦孔之醜 彼殲也宜匪以

其富其質則鬼其名則寇哀哀大索民乃爲疲

庚詩十章章六句紀秦變也

皇天降謫時維庚午民不堪饑乃入寇伍吁嗟秦兮廊廷  
羅苦 誰則無家誰則無國彼何人斯縱此蝨賊乃及四  
方靡有樂域 天昔生賢惟盜之剪生此不良爲國之蹇  
歲時優容厥醜不殄 彼潰而流終禍幽秦析我巖關入  
我城闔毒我藩宗僇我良民 彼雄而梟其容有驕哀我  
人斯或泣或號胡有譖者磬折趨朝 左者甲鎧右者庶  
采云何僭忒敢行肆改皇天不淑四殺曰宰 賊臣謀之  
河濱詩選 卷二 六

莫如故家以餉戎兵無於民加旣戢其角無敢磨牙 故  
家旄倪莫之或忤檻車啍啍白刃孔武家與命畢駢首於  
土 賊臣滔滔惜不畏天上帝亶怒旣其女遷罪不容誅  
誰爲之湔 吁嗟古之人其謨洋洋非無盜賊不底滅亡  
作詩告哀我心則傷

癸詩

我生之初時維癸卯自北而南中心如攪終日不食以愁  
爲飽惟我獨鈍苦人莫不狡解山則有榆水則有蒲林雖  
可采各生一區刈草積丘伐木入湖物違其地安得不枯

二解間關流離難昏難曉悠悠夢夢墨而深杳昔者我邦實

聞鳴鳥山川清安曾無其擾三解今也云何匪古伊今憂千

而億無復爲心我妻我子載呻載吟此土不我知或笑或

侵四解相彼瞽人言起言居醉言旦旦焚如棄如予之粥粥

抱策携書知不可爲或曰徐徐五解謂宜奮發如雷如霆云

何意違如泛其舫嗟我偃僂恭以爲經彼復良言不弔由

靈六解天之昭昭不可以告嘽嘽垣星亦莫我燭匪我之急

言念其辱誰慮焚石而及于玉七解南風不競倏忽以秋南

人淑善亦孔之優如何如何多其所求哀哉今之人莫知

河濱詩選 卷二

七

我憂八解

甲詩

茫茫人生百憂是如旣困於石蒺藜是據命之不淑大運

云去一解瞻彼昊天日失其光匪天之青維人之殃昊天高

明乃反其常二解靡人不剉靡城不破上帝板蕩此泣彼賀

嗚呼天只遺此厄禍三解奕奕冀方憂在郭門滔滔南國城

都猶存誰實誤我謂遷曰奔四解嗚呼甲之年陶唐殞滅惟

碎則殉惟臣盡節如何如何中心叫絕五解謂親之亡藥不

克六解惟此國喪四海宅憂我獨瑣尾聞於南州七解王都言

言聞人豫啓我聞心傷不知古禮雖服其服莫能體其體  
解七 解我父我祖昔也何時共處登平未嬰亂離死者之福生  
者何其解八

小索詩

莫耕田叶他 嗟不均索我芻與豆里胥急在門叶眉貧 莫

卜鄰城夫輦索我棧阜釜我君得安存叶從倫 棧豆及釜

於以飼馬夫以役之不役者寡敢愛心力貧嬰辱打解三 嗟

爾兵卒雪寒其敗居者牛酒于情亦宜嗟嗟人畏馬不可

過相欺解四 昔之時城中血流汙可小康奄如居憂處既不

河濱詩選 卷二

八

得薪出亦不得舟解五 將大旗兮象彼八州東既西兮南北

相求嗟乎孔道使我心愁解六

昊天詩

瞻仰昊天爲民之宇自昔十世我父我祖何天之祐解一 天

之徂冬萬物無庸匪天棄我將焉相從戚戚靡悖解二 匪我

忝厥宗不我豫告我載惟于毒仰天而泣日月反覆解三 日

兮我照月兮我臨實生我身實明我心莫我流離莫我侮

侵解四 賁賁賁賁鳥獸伊行百卉癘荒氓則不臧士也卒瘁

解五 賁賁賁賁伊匹媾婚將其靡存氓之昏昏蠹思其恩解六

虎膠篇

膠自錢越王鏐改濟野而關之椎之則景泰時也

虎膠虎膠地裂為池劍不可求壯者祖龍并一九州塚中

魚腸亦蒙其接

一解

虎膠有水可以北南秦昔用武無亂不

截三國江左迄用耽耽

文弱富庶是生憂校

二解

虎膠有禾

既碩且多商虜民旤爰及兵舸設闕抑末其時維何土木

北狩思枕其戈國討勇士非利是羅

三解

膠北有山白豸觸

觸膠南有湖洞庭蹙蹙有斐之子粲粲衣服行遊何人將

其維谷歌以紓懷或謂我哭

四解

榴穉

河濱詩選

卷二

九

榴之穉其柔者條其葉翹翹其生無消將子無驕

一解榴之

穉實茂實丰實多實穰其昌小宗將子無恟

二解

彼喬者株為檇李李孝貞女作也

彼喬者株有巢斯烏其雛瞿瞿返哺拮据彼其之子終身

不渝

一解荷則有藕鹿斯牝牡女士君子念其父母母也黃

泉父也壽耆

二解

媿兮變兮君子好逑依依膝下烹飪是修

百爾谷柯析薪來求寧畢我年以婦為羞

三解

濯濯女貞生

彼高岑矯矯之子不改童心克念厥考以永德音誰無父

母而忘欽欽

四解

昔人木蘭令聞不已何如之子乃勝男子

將迨親喪而身先死其鄉嘉禾其氏則李解四哀哀今之人  
罔思父恩泉則有源木則有根舅姑舅姑人倫所尊孝貞  
不然畸行獨敦解五

匍匐篇

四川王開禧將父崑柱之柩依葬陳蝶庵墓側

仁人之子囊無金錢俠氣峻嶒不受俗憐惟昔父事未能  
遺忘聚瘞建業欲似故鄉凡民有喪匍匐救之人而好義  
自天祐之不義者多傷如之何同里同心遑恤其他

西軒

有序

軒名西思西美也河濱子爲季貞系以詩

河濱詩選

卷二

十

日月升恆俾民弗迷惟哉生明廼肇於西峩峩崑丘亦神  
所栖解一誰昔杼柚空謂西也粲粲率以嗟歎今我畏懼莫  
之我捍不如西也我藩我翰解二我實西人知古西方曰豐  
曰鎬永于夏商轍之東矣使我心傷解三誰謂禾無嘉三秋  
以爲成誰謂日無家洎盤是征屏營屏營彼美人兮適我  
情兮解四黍簞黍卜我不敢瀆維易之繇耀我心目殺牛不  
如禴祭實受其福解五

龍舟

邢之水其闕伊阻其時端陽其舟具舉龍文有莛旗旃有

旅其游與與觀者無序解一士曰觀乎女曰同且匪佃匪漁

通國為虛嘈喧金革莫不軒渠我何為者迺獨欲獻解二吏

不碎人爰集其編或嘻或笑或立其淺或歌或罟其容不

覩孔子獵較何必先典解三舞兮權兮民胥效兮惜不畏時

盍視其貌中心則撓莫之能校吁哉農商此奚足樂解四

砥詩紀所見且以傷賢者也

吁嗟乎石砥平平周道如弦昔當淖泥允蹈而前石不聲

只今則徑只解彼馳者驟于焉且且鞭長塗修赤日流汗

驟之馳之彼蹇者豆棧解二荷枯荷總眾不云苦匪不云苦

河濱詩選 卷二

七

人將焚汝解四豢婁以漿豢豸以穀既其汝恩將以汝肉解五

藕陰

李子雪藕感於心者五故見於言者為五章

玲瓏爾心潔爾臂肘爾猶不免人實多口解一潛之潛之莫

如水中以華搜根乃災爾躬解二昔在魚傍今嗟花下人不

觀心指禪者罵解三萬物之初皆有本根根可以採誰與重

論解四吁嗟乎藕乎采者其有乎人之不偶其可以不乎解五

疎雷 有序

或謂雷擊有罪者今之當擊者夥矣雷不幾疎與作疎

雷

天之昭昭雷讐雷燒彼殃者彫或有未然昧不及燎疎哉  
雷工不可以要

醫心

我欲醫心心不可醫世既病人適當其時心在世間多憂  
多悲一解四肢累心臣累朝廷誰爲醒醒我乃冥冥誰爲老  
成以爲典二解病深則去國亂則改誰謂精衛能填大海  
嗟嗟此何爲使我愚且癡三解

石詩

河濱詩選

卷二

七

厚重昭融與地天通日月其表金玉其中

洞述

洛南縣東北二十餘里山最多其岡阜綿如瓜瓞數嶺  
曲盤奧密鬱苑幾無谿徑洞腹於一峰之陰前爲玉虛  
祠祠韓仙土人或禱雨焉入洞晝必以燎伏仄幽匿粟  
如穴虎始洞得石橫如嶺嶺下如溪踰而前猱狄以升  
鍾乳垂垂鉅者在疎者櫺窈者龕平者兀蛇曲以蟻旋  
爲雪片光舉火燭之皎如而寒人景迷離再晉之如屋  
複壁叩之而鳴一如鐘一如鼓鼓其可坐者如三獨座

又鼠而下石如蓮荷在水間亭亭不相屬其狀如織文  
之雲五色各擅承足有光石外之水漆漆潤匪厚如潭之  
無際客行雲上皆恐墮予以手捫雲如花踞漸小洞之  
竒以是爲最蓋自是而岐其高者不可磴其深而斜出  
者人跡亦未經約計爲里者八九皆洞中無日月之隙  
予聞山澤通氣凡山皆嵌空玲瓏則岫穴腸廻亦其恆  
也玉虛各洞俚甚姑述之洞名以俟君子

錢來之陽去扈之陰其山繁紆其阜崎嶇有德無名潛耀  
如沉如彼逸老人莫之尋上帝宣詔雷霆其音震其山陵

河濱詩選

卷二

三

爰及豐林山君奔匿罷熊號吟呀然出洞窈折空深坤閉  
自昔龍見於今蓊兮氣歎匪齡匪黔樵者于役莫或敢侵  
僉曰神哉禍福所臨盍一言禱維曠之霖乃牛乃豕報者  
駸駸猶謂豢龍非神所歆神居清淨神德幽森乃祀大羅  
大道攸任乃薪乃茅乃釜乃鬻乃入其裏乃溪乃岑烈烈  
栗栗戢其衆心以堂以館宅此球琳乃扣乃攷如玉如金  
虛雪眩目石雲觸襟莫不爽然亦生其歛洞啓甘載靈威  
不淫莫或敢探於泉其斟肅我葛屨珮我劒鍾晝日舉火  
有林有壬夙昔之好如芥如緘信美不處棄此良琛乃知

山嶼亦如江海去處何常瞻言幽禽仰瞻碧落或姓或靈  
陽明爽塏卑暗沉瘖慎矣擇矣敬用自箴

### 揚州丞

揚之郡丞八年兩殂前劉某者死於官人快之謝良衍  
死或多惜之而予又有世誼焉比讀劉大中丞歎百年  
詩方於丁都護之歌哀慟其無子而又無兄弟以侍其  
老親也夫垂白在堂可以不仕三公一日昔之人誠有  
見矣作爲此歌以教人孝非譏謝丞

揚州丞何陽陽秉皂蓋分黃堂不見語客稱故鄉樂則樂

### 河濱詩選

#### 卷二

卅

只身淪亡

解有車信美有馬如水鬢不生臆酒不入齒吞

火吐火自云味旨

解汲黯卧治時維股肱彼叨父蔭迺有

令名龍則有輔蝦以爲衛奈何棄其家於庭作瑞解周官

三百其時其人或出或處我愛其身我身七尺我親百年

我不生歸親則泣然

解丞昔幼時讀父書以父之恩乘君

車君亡一臣九牛一毛親失其子其罪安逃吁嗟乎君哉

吁嗟乎親哉

解

### 洪洞詩

有序

洪洞鎮名唐以名縣其實晉大夫羊舌肸之賜邑也初

春秋時爲楊侯國故漢爲楊縣魏晉因之塚廟記曰臯  
陶墓在縣南十三里臯陶村有古碑二墓前石虎尚存  
予家先世洪洞人于李後爲的系竊嘗比于曲阜今雖  
遷朝邑不敢忘本故爲詩焉

堯都之北庭堅之鄉山環水滙聖人發祥九箕玉峯英山  
相將汾水澎澎諸泉嚮方

華池泉普潤泉普濟泉深泉寶泉雙泉無底泉皆入于汾

古邁種德風暉洋洋

解

庭堅之裔仙李高葉爲聖爲賢爲

仙爲俠帝圖王功將畧相業文詞名流隱逸高列莫不宏  
傳其光燁燁

二

解我世則遷不敢不敬處于河濱以衍其慶

河濱詩選

卷二

五

乃思古人以氏以姓惟孝與仁世有其盛我雖不才願言  
考鏡遠法祖武篤後惟行

二

辟彼源泉流之長矣辟彼山

峯堂矣皇矣旣聖且仁弼虞唐矣英六與皖不貴彊矣我  
至其祠莫能饗矣仰瞻高天高且明矣

四

解惟予小子無所

自立事父及祖每懷靡及亦旣抱子缺焉性習念昔亂離  
去其舊邑將雛十年歸與來集作訓教其裔詩禮是襲

五

洵詩有序

昔隨先君子洵每念其地追補以詩

渙渙洵水荒荒鄭地春秋諸侯周之所比山曰牛脾莊公

笑隧洩洩融融孝思不匱

牛脾山在縣南四十里古賦大隧處於焉思孝思

之靡實解一我稽盲傳成公來伐至于曲洧戲章具揭亦有

陰坂晉師所次感嘆弱鄭何以爲治故城之墟後賢是視

二漢置新汲馬光封侯吁嗟漢時迹不可求惟有朱曲猶

存泊溝魏鄭之壘其壘攸攸唐鄭公魏徽墓在縣西三里或曰呂公其

址幽幽宋丞相崇正讀書寄在朱曲鎮古人往矣誰爲千秋三昔予小子

從侍巖君童穉愚菀無所見聞依依膝下菽麥不分衙署

有闕誦習古文仰止子產其志孔殷廉勇之誦百姓則云

先君子洧一無所取掄獲大盜二紅四紅聲聞于上以廉勇稱廉以空囊勇以靖氛四洧

河濱詩選 卷二 去

民慳慳性其慤矣洧士棧棧有先覺矣先覺爲誰范子介

儒御龍有作其言如珠范子守已有御龍子集洞極象太去曲洧新聞象野史我讀

其畧載思其模迺興迺奮亦步亦趨五嗟我王父就養于

茲是曰祿糈父子同之謂我患苦無疆其慈子九歲方痘苦不可勝祖

父父母念我醫藥子姊予甥同在署中子痘中夢爲詩今日思昔昔也無知其境何

境其時何時時維萬歷四方雍熙六解

真定詩 有序

先公調真定令予未十齡不解真定命名之義它日讀

漢高帝紀代相陳豨反帝往親征豨將趙利守東垣攻

之不下卒罵上怒及城降斬罵者因改曰真定其在春  
秋時爲鮮虞國漢初爲常山郡武帝爲真定國或爲恒  
州或爲鎮州至明復今各自隨父以至於公車屢欲作  
賦未果粗據見聞裁爲古詩

燕南趙北浩穰厥封大行在右鬱有靈峰或謂恒山以表

其宗大茂山在西南邊以恒山稱之非北嶽也惡池注之津潤暵暵曠焉千里

名城要衝控冀衝豫莫不肅恭鎮有節鉞野有良農甲馬

如雲以遏寇克耒耨如茨百畝千鍾一解我峩巨鎮漢帝靖

之破稀屠利嘉各省之載及光武賈復剪梗青犢禱魄莫

河濱詩選 卷二 七

敢或逞是日捷鄉權城在境乃訊寒臺武靈炳炳望臺亦曰寒臺

趙武靈王所築以望趙者三將之宅遺風可景萬相如廉頗李牧三將之宅皆在城中我

思其烈中懷耿耿二解越隋及唐肅宗見休元老光弼克壯

其猷驅彼賊臣洗我戈矛其兵五千夾水孔修槍城之績

式剪其讎今地名覆橋者即李光弼擊史思明處在滹沱水之傍乃思天寶幾絕而

留後人所鑿未雨綢繆三解我聞慕容熙苑築龍騰山起景

雲其高峻嶒渠象天河其深澄泓宮殿連房哀莫之勝復

媚符氏鑿海灑灑民不休憺莫之徵嗚呼昭鑒于斯其

徵四解北平爲都茲焉畿輔地不加闢土不加廛先以風聲

恤其疾苦咫尺于天易爲聽睹萬國朝宗斯焉旁午于何  
供億于何輯撫有守有令共事斯土式襄王事庶俾安堵

五解巖邑其那勞亦云多嚴君翼翼民以不訛君恒自言矢

心靡他世道漸更尚在偏頗匪廉之求求乎佞鮪上帝恭

默臣工協和我則小吏豈敢蹉跎憂之勤之惟恐譏訶六解

維此新市亦曰東垣唐有賢令峩碑攸存柳君紀德杜君

遺愛載攷金石畧志厥概我敢不恭蹈乎善背書堂嘯臺

蘇氏攸在陽和之樓復庸嘆嘔新市藏書望舒嘯臺元人蘇天爵所建虞伯生有詩

覽古博文優遊 聖代藐予小子庭訓其佩七解

河濱詩選 卷二 六

臨清詩 有序

先司徒典摧於臨清時維乙卯世父叔父計偕時聚焉

同城有倉曹工部明法尚嚴凡吏其地者眷屬僕役不

得輒出署部客官也亦邊慎焉追思再過之時將取道

于瀛未皇游覽作詩以紀之

趙之東鄙維漢清淵西衛南汶二水所延漕臣經理貢道

如咽一解水之啓閉其要曰閘旱時則憂謹其所納積水通

艘是用雜二解還其舟銜尾其人摩肩先王抑未摧此市廛

立關設津匪利金錢三解天方燠旱雩禱不靈舟子于陸不

此來經嚴君莅至憂心熒熒

解四

建言諤諤其心如湯寧虧

在官無虧在商加稅商呻何以爲臧

解五

時方薦瘞謀庸不

行匪我市恩載邀其名相與歛歛惟我弟兄

解六

昔日之來

徒爲間關戶不可出負彼泰山欲觀滄海極于島蠻

解七

來其難有客其歎齧頭之磯其水漫漫我僕我馬北風淒

酸

解八

徐詩有序

徐古徐也在泰昌中家君遊焉予于崇禎戊寅過之癸

未再過之俯仰籛彭之墟憑弔西楚項氏之遺風讀睂

河濱詩選

卷二

九

山黃樓賦已不自堪况在舉家避盜之時念椿庭之久

棄携幼子而增涕故其詩不可以自諷諷則又有河山

之感

偉哉徐州古之彭城堯封彭祖山川崢嶸山則九里磊砢

不平水交汴泗奔流激鳴

解一

吁嗟彭氏有其古井斯焉慎

觀得年獨永仲尼竊比好古是秉嚴親來遊亦入其境

解二

昔者之遊聊與夷猶呂布白門蘇軾黃樓桓山司馬知未

皇求子房之山知不皇留匆匆王程何能逸休

解三

自父見

背乃念徐方於斯旬月夙戒其裝輯瑞入覲遂爾云亡我

考圖書既有典章古人之迹使我心傷

四解

人乃暗慰羽都

而滅戲馬之臺信勇而拙范增有墓足弔前詰謀不見用

疽發而絕亦有流離及于昭烈古人且然云胡嗟咽

五解

楚霸王拔山蓋世漢封所傳躡申帶礪

高祖封楚元王交于此

宋公

劉裕都城因制乃及義康莫不周衛嗚呼帝王有興有替

何日不沉何車不融憐予之衰終年隕涕

六解

予哀不忘再

思前賢別駕王祥刺史呂虔袁安徐庶遺碣森然崔君長

孺當天平年于茲勒石石文清鮮其子過之哀感于前

七解

聘江南過彭城讀父陵碑

我獨伊何不念昊天

八解

予不逢

河濱詩選

卷二

三

時乃遊淮海道塗行回使我心痠念我先公已閱廿載豈

無古蹟悽悽不采豈無佳餽寧甘爲餒昔者少年猶云有

待壯而思親涕淚不改

九解

載騎載步重經徐郊水流查呀

朔風咆孝率我妻孥如鳥失巢何以顛沛寇實魚然何以

不復綱紀之淆我欲占之蒼草無交

十解

興詩有序

天啓甲子世父蘭臺作宰于晉之興縣興爲崑嵐之屬

邑古爲晉陽之西鄙其在金時乃名興州予未往亦不

悉其風它日按志世代沿革之故追爲此詩

參井之野惟古冀州分置惟并虞舜是求古之邈矣不可  
以按我聞大漢汾陽乃立後魏蔚汾亦於此邑隋曰臨泉  
樓煩是急唐曰臨津旋改合河合河之關其山峩峩石樓  
孤聳合查旁羅山通惠有泉其流騰波其境墮堦其民淳  
樸樂於輸將習於貞潔興民以不納租爲耻隣封嗟萬山  
有嵐縣則以納租爲耻  
中產有狐貂訟者雖稀不可爲虐

孟詩 有序

孟古仇猶地伯父自興調繫于此會以先王父之大故  
歸傳程嬰遺事有藏山焉是其址也溫泉之水注於濬

河濱詩選

卷二

三

沱余遊長安道平定過其屬驛云

孟丙之邑仇猶之國愚哉仇猶徐道納賊大鐘之故國以  
滅熄示章曼伯諫止孔力忠不見納亟今嘆息境有藏山  
藏趙孤兒程嬰杵臼計以懷之境近晉都此無可疑重門  
竦岫白馬白鹿皆山名其山重環表裡倚伏我經其野寒風  
穆穆雖有溫泉未得一沐思彼古人焉能晨風莫以椒漿  
薦以羹肉祠前再拜拜已而哭撫孤虐孤天平誰育至誠  
大誼萬年之福

定陶詩 有序

曹州之屬邑陶丘相傳爲堯所居余昔出太行歷曹縣  
問定陶事且以伯父補此邑時曾以陶布爲寄它日閱  
志乃作是篇焉

朱公之隱爰止於陶其聚千金何足爲豪惟其棄相是以  
名高聊用散財異乎貪饕亦有髣山其廟維曹振鐸之祀  
尚薦溪毛亦有蛇丘其城生蒿魯時淵囿曾念民勞况昔  
三腹久矣不存漢之戚姬生長有村孝子孟氏名昌宗割股以愈母疾  
者于焉饗殮我行曹地亦衣陶布時代漸移天亦多故富  
者貧矣生者而墓勿徂太平勿求完袴我作是詩來世其

河濱詩選

卷二

三

寤

平度詩

有序

予不得遊東萊以東萊詩當遊不猶愈於已乎伯父扶  
病之平度卒于其署因思甯戚墓在平度此飯牛歌相  
桓公者也有卽墨故城田單之破燕兵處也其山則明  
堂六曲在其東大豁在其西金泉在其東南墨山在其  
東北峭呀在其北其水則漱玉泉聖水池其產則烏頭  
天雄故詳記之使伯父之子孫知宦轍之所經有如此  
者又聞邑在漢爲平度縣隋改爲膠水縣至洪武中乃

陞爲州州有貧女廟夫戍妻裹糧以從夫死乞報葬之  
遂自殺有仙人臺膠東公沙宿飲白鶴泉而得仙者詩  
不能該畧述其事於序矣

萊子之國北海之濱膠東膠西卽墨爲鄰郡曰平度牧以  
王臣我家世父以終其身我思東萊其地則遠如見其山  
如見其阪如見古人如見偃蹇甯相未遇飯牛何晚田單  
未用樂毅不返貧女成仁不在慕媿仙真上升始免哀挽  
見賢思齊稽古有獲九丘之中莫不大索人棄我取人一  
已百于貨悖入必有扞格不如好學世蒙其澤我不遑寧  
河濱詩選

卷二

三

何爲跼蹐作詩自策亦以自適敬哉後人自考損益

三河詩

有序

三河者七渡河鮑丘河臨胸河也漢爲臨胸縣唐初析  
潞縣地爲三河歷代因之至明萬歷中叔父蘭畹令其  
邑予父至其署兩君子皆爲古人愴然念之作三河詩

翼翼神京四方之極東有巖邑三河是式靈山矗矗聖水

湜湜建封築城以妥社稷

解

維此百里其水湯湯臨胸以

漢潞縣以唐稽古有虞是維冀方分立幽州世有版章

二解

幽州北土帝丘是營顓頊之都爰及有明其間治亂亦旣

多更謂之曰畿首善靡爭

解三

東方諸侯來享靖獻亦有賜

予爲遠人勸東南漕輸舟車以萬郡有重兵邑有戚畹

解四

其戚其畹實侵漁民我田卒荒我賦不均請托掣肘權要

不仁它人彈琴獨我勞薪

解五

城增高矣士女勞矣自昔嘉

靖已嗷嗷矣用師於東哀其號矣賊劫軍實乃騷騷矣

解六

誰謂餉急不救幅員誰謂督暴其怒則遷誰謂法行小盜

則延中訖蝸蟾其兆則然

解七

三河之胥越人則多三河之

租難于催科我聞諸父未知其他况在今日將復奈何

解八

廬陵詩

有序

河濱詩選

卷二

五

幼時誦歐陽公知廬陵比入習紫瑤先生之門受知最

深先生卒後欲往祭之屬值多故未果今予老矣見司

馬梅公益念廬陵不能忘按志知紫瑤山黃土潭有龍

穴文革齋夢潭龍入居尋生文信國自後潭日淺塞及

文山畢命燕中之日土人復夢有乘輿入潭中者旦日

風雨雷電畢至潭漲如舊追思習先生命號之義又感

陵谷之變遷括其山川而爲之詩

嗚呼廬陵文章節義我讀其書未至其地惟我有師斯文

不墜難弟難兄于鏢文思

紫瑤公爲豫章太史豫南之弟

表表習門我幸

而侍解其門表表其人飭飭其貌溫恭其心允塞其言不

煩其行不慝我匪異人常在其側解二以文知心以學獲義

藻粉非求大道為贄子獨我可多有所暨嗟我不才傳薪

為愧解三子遊西周我見容只子理澶淵我往從只子涉繹

雲我以為宗子典价藩於我其獲解四子勞子役終夜不寢

瑣細必躬詞翰必懍弱息至愛不敢以諗神疲形瘁將無

太甚解五知我成我比於生我猶子視父如何其可曳杖之

歌不聞右左築場心喪願未獲果解嗟予頓沛師死卒荒

學既不殖國亦亡山川間阻日月無光我思廬陵盡然

河濱詩選

卷二

三

心傷解七迺攻其文以游以衍古人之風光于故典歐謨洋

洋文德蹇蹇詩人烈士莫之勝選詩人堂杜審言魯公祠

騰廟吳世雲平園周必大胡忠簡爰及仙釋其舉孔纘七祖思公淨居寺

死宗受禪師木盤坐井口水得不湧仙風教所漸千祀不

剪解八迺攻其勝畧舉其凡贛江鷺洲白鷺洲有白鷺亭與

習溪螺岳習溪有習溪橋螺子山出五色螺又螺川石在

年神岡白鹿陳廬陵太守劉竺祀書原嶼嶼香城文筆廖

廬陵維漢所治吳曰安成隋則改之吉水之陽其城攸宜

我聞其藉載詠以詩哀哉今之人以師為私十解

寧晉詩 有序

師孫二如寧晉人也其邑在趙州東四十里古大陸澤有瀝城焉其下藪澤周回百餘里有魚藕菱芡之產歲饑兵荒賴以全活者甚夥金末王義之所保也先生立先朝未嘗里居予亦未入其地追述往昔乃有此篇

鉅鹿瘦陶鬱為名區蓋此大陸元氣攸芋昔在春秋晉人版圖李唐之季嘉名迺許一解常山列郡明日畿南古趙輔

之其風潭潭悲歌慷慨今非所耽名公鉅卿可以具談二解

河濱詩選

卷二

美

巖巖文忠時維曹鼐曹鼐不可維帝天賚公為泰山典史時女子訟庭幾

不自持夜書曹鼐不可厥後進士定中有楮降于宮中日曹鼐不可卒以第一累陞吏部學士正統己巳從征没于軍誰不欽節鮮能有逮嗚呼學行允矣難再三解迺徵前代

宋則寧悼慷慨志操作使克報拒其求地不辱君詔曹襄悼名

利用以數前承旨再使契丹契丹求割地力拒之而止累官左僕射至老忠蓋不渝其人孔嘉中原

有造四解明明上天烈烈啓運誕生我耀乃有令問乃同徐

達大猷斯奮慎密勤勞流風餘韻耀國初以中書提控從達取蘇州後平山東河

南克元都取山西入關中皆與謀焉後為湖廣北平叅政偉哉機畧克盡其蘊五解化洽

既永畿輔多賢我所趨承莫不儼然夫子之儀恒變不遷

夫子之訓我用勉旃嗚呼孫門二如師掄才子秦翼翼乾

乾六子典天官時則多疚綜覈而猜匪一旦又非罪非訛

乃下司寇崇禎末年公在獄予在省于獄中且為之下感嘆朝端紛紜相搆雖

則廷原將天之祐七天祐維何瀕危而存朝廷原之朝廷

之恩匪以爭黨匪以攀援薦瘥此離且及丘園如何如何

敢有怨言八我棄我擲子則閔之謂處者吉何以引之我

居我奔子則軫之覩顏餘生何以忍之子之殞矣我其疾

矣九

嘉興詩 有序

河濱詩選 卷二

毛

予至嘉興則登師丘存曾先生之堂與其子子述子珮

遊為記為詩不一而足嘉興之山川人物間亦採詠茲

廼以四言古體比于風人之末予事師僅一再面其家

之事則甚悉也

蘇杭之間名城言言左海右湖氣厚而渾我有知己厥里

斯存我之瑣尾廼過其門一震澤湯湯若雪濟濟惟此繡

水匪繡伊慧喆人秉德淵淵而獻職司三禮疏其淹滯二

哲人家學有源有本禮因於古有益有損公庭郊丘退讓

節樽夫子司之如田斯墾三嗚呼禮經無代無之煌煌有

明式究圖之

大明集禮會典之屬予嘗欲以三禮經之合輯歷代之禮惜未及聞先生之訓

大禮

不舉伊誰之辜寢以多事寢以憂虞

四解

謂禮不亡乃及于

今謂禮其亡實在人心感此亂離不聞德音墓木拱矣無

不陸沉

五解

社稷丘墟北南摧如瓶山韭溪其血洄如靡室

不頽靡人不災夫子之家尤為可哀

六解

非屠非沒其貧其

窶有未亡人噉噉空釜雖則貧窶守規守矩妾不再醮子

能師古

七解

河濱詩選

卷二

天

